

Long Roy lo actua na Curacao dia 1 y 2 di October

Ariba peticion di Moki Job, LONG ROY a biaha luna pasa Augustus hunto cu Chicho Kock pa Curacao. Na Curacao Long Roy a firma contract pa actua dianan prome y dos di October den Isla Berde y Club Santa Rosa naturalmente cu acompañaiento musical di "TIME".

Na Curacao ya e cancionnan

cu ta figura ariba e long play di Long Roy "It's my time" ta rezona na radio emisoranan non stop y ariba peticion di varios radio discjockeys y promotor Long Roy a entrega 300 disco pa bende na Curacao di cual e venta ta bayendo formidable.

Tambe ta di menciona cu e cancion: Choque di D.J.'s

tabata no 5 siman pasa Diasabra ariba e hitparade Top 40 na Curacao, y muy probablemente e lo bira No. 1 na Curacao e siman aki.

Aki na Aruba tambe e cancionnan di e long play di Long Roy ta moviendo hopi bon ariba e hitparadenan local. Hopi exito y tur cos bon ta deseo grandi di tur su fansnan.

Programa dominical di Johnny na RQ-190 Venezuela

Manera ta conoci pa hopi tempo caba e conocido productor y animador Arubiano Johnny Habibe ta transmitiendo programanan tanto musical y informativo for di RQ-910. RQ-910 brindando su señal for di Caracas a transmiti e pres-

tigioso hitparade internacional di Aruba.

E top 10 mensualmente a goza di un sintonia enorme tanto na Venezuela, Antiyas y Aruba.

Den presente e radio oyente lo por disfruta di un programa semanal cu lo worde transmiti

tur Diadomingo mainta entre 11'or pa 12'or di merdia ariba RQ-910. Awor e emisora aki a subi su potencia di antena for di 10 kw pa 50 kw, es decir cu proximamente e señal ta mucho mas solido y cu un mihor sonido.

Den e programa di Diadomingo tin entre otro cancionnan di artistanan Arubiano, comentarionan, entrevistas etc. Pues no keda sin sintoniza Diadomingo awor dia 2 di October RQ-910 cu e conocido animador Johnny Habibe.